



ZAPISNIK O RADU 19. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 02.03.2022. GODINE

Broj: 01-GV-02-356/22
Sarajevo, 02.03.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika Stranke demokratske akcije
5. Adi Škaljić, predsjedavajući Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
8. Enisa Spahić, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
9. Bajro Biber, predsjedavajući Kluba gradskih vijećnika „USD-BOSS“
10. Jasmin Skorupan, zamjenik predsjedavajućeg Kluba gradskih vijećnika „Korora/Skorupan“
11. Mila Eminović Rizvanović, sekretar Gradskog vijeća

Odsutni: Dragan Stevanović, zamjenik predsjedavajućeg Gradskog vijeća (najavljeno odsustvo) i Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“ (najavljeno odsustvo)

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Sjednici su prisustvovale Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 13.10 sati, pozdravi prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, jednoglasno **je usvojio** Zapisnik o radu 18. sjednice Kolegija Gradskog vijeća, održane 01.02.2022. godine.



Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 19. sjednice Kolegija Gradskog vijeća, tako da glasi:

1. Utvrđivanje Izvještaja o radu Gradskog vijeća Grada Sarajeva za 2021. godinu
2. Priprema za održavanje 13. sjednice Gradskog vijeća Grada Sarajeva
3. Priprema za održavanje 14. sjednice Gradskog vijeća Grada Sarajeva
4. Priprema za održavanje Svečane sjednice Gradskog vijeća Grada Sarajeva u povodu 6. aprila - Dana Grada Sarajeva
5. Tekuća pitanja

Član Kolegija Bajro Biber je pristupio sjednici Kolegija u 13.15 sati.

Ad1)

Utvrđivanje Izvještaja o radu Gradskog vijeća Grada Sarajeva za 2021. godinu

Uvodne napomene podnio je **Jasmin Ademović, predsjedavajući Gradskog vijeća**.

Upoznao je članove Kolegija Gradskog vijeća da će Izvještaj o radu Gradskog vijeća Grada Sarajeva za 2021. godinu razmatrati sva radna tijela, da će se naredna sjednica Kolegija Gradskog vijeća održati u ponedjeljak 21.03. ili u utorak 22.03.2022. godine, kada će Kolegij razmatrati mišljenja radnih tijela i očitovati se o njima, te konačno utvrditi tekst Izvještaja o radu Gradskog vijeća Grada Sarajeva za 2021. godinu i uputiti ga na 14. sjednicu Gradskog vijeća radi razmatranja i usvajanja.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** sljedeći **Zaključak**:

Kolegij Gradskog vijeća Grada Sarajeva utvrđuje Izvještaj o radu Gradskog vijeća Grada Sarajeva za 2021. godinu i upućuje ga Gradskom vijeću Grada Sarajeva na razmatranje.

Ad2)

Priprema za održavanje 13. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Jasmin Ademović, predsjedavajući Gradskog vijeća je upoznao članove Kolegija Gradskog vijeća da će se nakon sjednice Kolegija, u 15.00 sati održati sjednica Odbora za dodjelu „Šestoaprilske nagrade Grada Sarajeva“ u 2022. godini na kojoj će Odbor utvrditi Izvještaj o radu, te ga zajedno sa utvrđenim prijedlozima odluka uputiti Gradskom vijeću na razmatranje.

Podsjetio je da će se 13. sjednica Gradskog vijeća održati u skladu sa članom 16. stav 2. Odluke o uslovima i načinu dodjele „Šestoaprilske nagrade Grada Sarajeva“ odnosno bez prisustva medija i TV prijenosa sjednice, a informacije će biti date medijima nakon završetka sjednice.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 13. sjednica Gradskog vijeća će se održati u **srijedu 16.03.2022. godine** u Gradskom vijeću Grada Sarajeva - Ovalna sala sa početkom u **10.00 sati**;
- Sjednica Komisije za Statut i akte, u pripremi 13. sjednice Gradskog vijeća, održat će se u **ponedjeljak 07.03.2022. godine**;
- Pozivi gradskim vijećnicima za 13. sjednicu Gradskog vijeća će se uputiti u **srijedu 09.03.2022. godine**.

Jasmin Ademović, predsjedavajući Gradskog vijeća je upoznao članove Kolegija Gradskog vijeća da je za danas u 16.00 sati zakazano održavanje i sjednice Komisije za izbor i imenovanja Gradskog vijeća na kojoj će se razmatrati prijedlog Odbora za dodjelu „Šestoaprilske nagrade Grada Sarajeva“ u 2022. godinu da se Nerminu-Beli Sukiću dodjeli nagrada „Graham Banford“, kao i prijedlog gradskog vijećenika Srđana Srdića da se Erminu Avdiću dodjeli priznanje „Plaketa Grada Sarajeva“. Ukoliko Komisija za izbor i imenovanja, kao ovlašten predlagač, utvrdi Odluku o dodjeli priznanja „Plaketa Grada Sarajeva“ za Ermina Avdića i Odluku o dodjeli nagrade „Graham Banford“ za Nermina-Belu Sukića, iste bi se trebale naći u prijedlogu dnevnog reda 13. sjednice Gradskog vijeća.

Jasmin Ademović, predsjedavajući Gradskog vijeća je konstatovao da bi mogući prijedlog dnevnog reda 13. sjednice Gradskog vijeća glasio:

1. Izvještaj o radu Odbora za dodjelu „Šestoaprilske nagrade Grada Sarajeva“ u 2022. godini s prijedlozima odluka o dodjeli „Šestoaprilske nagrade Grada Sarajeva“ u 2022. godini
2. Prijedlozi odluka o priznanjima i nagradama Grada Sarajeva

Ad3)

Priprema za održavanje 14. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 14. sjednica Gradskog vijeća će se održati u **ponedjeljak 04.04.2022. godine** u Vijećnici sa početkom u **10.00 sati**;
- Predlagači će materijale dostaviti Predsjedavajućem najkasnije u **četvrtak 10.03.2022. godine do 12.00 sati**;
- Sjednice radnih tijela, u pripremi 14. sjednice Gradskog vijeća, će se održavati počev od **ponedjeljka 14.03. do petka 18.03.2022. godine**;
- Pozivi gradskim vijećnicima za 14. sjednicu Gradskog vijeća će se uputiti u **srijedu 23.03.2022. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Izvještaj o radu Gradskog vijeća Grada Sarajeva za 2021. godinu **je spreman** i očekuje se da će biti uvršten u prijedlog dnevnog reda 14. sjednice Gradskog vijeća.

Izvještaj o ostvarivanju politike Grada Sarajeva i aktivnostima Gradonačelnice Grada Sarajeva za period 01.01. – 31.12.2021. godine, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 14. sjednice Gradskog vijeća.

Izvještaj o radu Pravobranilaštva Grada Sarajeva, prema informaciji iz Pravobranilaštva, **je u pripremi** i očekuje se da će biti uvršten u prijedlog dnevnog reda 14. sjednice Gradskog vijeća.

Nacrt Statuta Grada Sarajeva, koji je Gradonačelnica, putem predsjedavajućeg Gradskog vijeća, u formi radnog materijala dostavila Komisiji za Statut i akte će biti uvršten u prijedlog dnevnog reda 14. sjednice Gradskog vijeća Grada Sarajeva ukoliko Radna grupa u saradnji sa Komisijom za Statut i akte izradi konačnu verziju Nacrta Statuta Grada Sarajeva, te Komisija za Statut i akte utvrdi Nacrt Statuta Grada Sarajeva i na vrijeme, u skladu sa rokovima propisanim Poslovníkom Gradskog vijeća, dostavi Gradskom vijeću na razmatranje.

Informacija o procesu donošenja Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 2015. - 2035. godina i obaveznoj primjeni mjera zaštite ventilacionih koridora, prema informaciji Gradonačelnice, **nije spremna** i neće biti uvrštena u dnevni red 14. sjednice Gradskog vijeća uz obrazloženje sljedećeg sadržaja:

Sjednica Odbora za urbanizam i upotrebu lokalnog zemljišta Gradskog vijeća Grada Sarajeva održana je 16.02.2022.godine u Zavodu za planiranje razvoja Kantona Sarajevo uz prisustvo predsjedavajućeg Gradskog vijeća i predstavnika Gradske službe za urbano planiranje.

Tom prilikom je prezentiran proces izrade Urbanističkog plana za urbano područje Sarajevo za period 2015.-2035.godine.

Odbor za urbanizam i upotrebu lokalnog zemljišta Gradskog vijeća Grada Sarajeva je dao podršku Zavodu za planiranje razvoja Kantona Sarajevo za predstavljeni sadržaj, odnosno viziju urbane transformacije grada. Posebno su podržana predložena urbana pravila.

Budući da je cilj održavanja ove sjednice, između ostalog, bio stvaranje uslova za nastavak rada organa Grada Sarajeva na donošenju regulacionih planova iz svoje nadležnosti, Odbor je donio i određene zaključke koji su upućeni Gradskom vijeću na razmatranje, a usvojeni su na posljednjoj sjednici Gradskog vijeća održanoj 23.02.2022.godine, sa čime su članovi Kolegija upoznati.

Izvješta o provođenju Odluke o spomenicima od zanjaja za Grad Sarajevo za 2021. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 14. sjednice Gradskog vijeća.

Izvješta o izvršenju Budžeta Grada Sarajeva za 2021. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 14. sjednice Gradskog vijeća.

Izvještaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2021. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 14. sjednice Gradskog vijeća.

Informacija o uspjehu učenika srednjih škola na području grada Sarajeva u školskoj 2020./2021. godini, prema informaciji Gradonačelnice, **je spremana** i očekuje se da će biti uvrštena u prijedlog dnevnog reda 14. sjednice Gradskog vijeća.

Informacija o upisu učenika u srednje škole sa područja grada Sarajeva u školskoj 2021./2022., prema informaciji Gradonačelnice, **je spremana** i očekuje se da će biti uvrštena u prijedlog dnevnog reda 14. sjednice Gradskog vijeća.

Prijedlog Odluke o uslovima i načinu dodjele „Šestoaprilske nagrade Grada Sarajeva“ prema informaciji Gradonačelnice, **je spreman** i očekuje se da će biti uvršten u prijedlog dnevnog reda 14. sjednice Gradskog vijeća. Gradonačelnica je upoznala članove Kolegija Gradskog vijeća da u toku trajanja javne rasprave nije bilo primjedbi, prijedloga i sugestije na Nacrt Odluke o uslovima i načinu dodjele „Šestoaprilske nagrade Grada Sarajeva“, te da se očekuje da Odbor za dodjelu „Šestoaprilske nagrade Grada Sarajeva“ u 2022. godini dostavi svoje, eventualne, primjedbe, prijedloge i sugestije na Nacrt Odluke.

Nacrt Odluke o davanju saglasnosti na Memorandum o saradnji Grada Sarajeva i Saveza BH dijaspore, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 14. sjednice Gradskog vijeća.

Nacrt Odluke o obilježavanju Dana sjećanja na žrtve genocida u Srebrenici, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 14. sjednice Gradskog vijeća.

Informacija o implementaciji Plana djelovanja za mlade, prema informaciji Gradonačelnice, **je spremana** i očekuje se da će biti uvrštena u prijedlog dnevnog reda 14. sjednice Gradskog vijeća.

Prijedlog Strategije razvoja Grada Sarajeva za period 2021.-2027. godine prema informaciji Gradonačelnice, **je spreman** i očekuje se da će biti uvršten u prijedlog dnevnog reda 14. sjednice Gradskog vijeća.

c. Teme planirane Programom rada Gradskog vijeća Grada Sarajeva za 2022. godinu u januaru i februaru mjesecu

Prijedlog Plana rada Grada Sarajeva za 2022. godinu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 14. sjednice Gradskog vijeća.

Prijedlog Odluke o standardu i kriterijima za izbor pravobranioca i zamjenika pravobranioca Grada Sarajeva, prema informaciji Gradonačelnice, **nije spreman** obzirom da postupak pred Ombudsmenima nije okončan, te se očekuje odgovor Ombudsmena.

Nacrt Odluke o podizanju spomenika bosanskom kralju Tvrtku I Kotromaniću prema informaciji Gradonačelnice, **je spreman** i očekuje se da će biti uvršten u prijedlog dnevnog reda 14. sjednice Gradskog vijeća, ukoliko Komisija za spomenike utvrdi Nacrt Odluke.

d. Novi prijedlozi:

Benamina Karić gradonačelnica Grada Sarajeva je informisala članove Kolegija da će za 14. sjednicu Gradskog vijeća predložiti i sljedeće materijale:

1. Prijedlog Odluke o organizaciji i djelokrugu organa uprave Grada Sarajeva uz obrazloženje sljedećeg sadržaja:
Razlozi za uvrštavanje ove tačke nalaze u činjenici potrebe prilagođavanja organizacije organa uprave Grada Sarajeva realnim potrebama, a koje su u toku dosadašnje primjene važeće Odluke pokazale određene nedostatke. Na ovaj način se rad organa uprave nastoji učiniti efikasnijim, a djelokrug rada Gradskih službi bi trebao biti takav da omogući još veću i bolju efikasnost u radu, te u konačnici rezultira boljim rezultatima rada.
2. Prijedlog Odluke o davanju saglasnosti gradonačelnici Grada Sarajeva za potpisivanje Sporazuma o bratimljenju između Grada Sarajeva, Bosna i Hercegovina, i grada Šanliurfa, Republika Turska uz obrazloženje sljedećeg sadržaja:
Prijedlog ove odluke logična je posljedica dosadašnje saradnje i izuzetno dobrih odnosa ova dva grada, kao i osnova za buduću saradnju.
3. Informacija o aktivnostima na izradi Regulacionog plana Kvadrant C – Marijin Dvor uz obrazloženje sljedećeg sadržaja:
Informacija će biti upućena Gradskom vijeću u cilju njegove pravovremene i kontinuirane informisanosti o aktivnostima kako na ovom, tako i na drugim regulacionim planovima. Ovo će biti redovita praksa.
4. Informacija o realizaciji projekta izgradnje biciklističkih staza na području Grada Sarajeva

5. Informacija o poduzetim aktivnostima na realizaciji Projekta sanacije, investicionog i tekućeg održavanja, te sistemskog održavanja uređenog korita rijeke Miljacke i uređenih korita njenih pritoka na području grada Sarajeva „Čista rijeka Miljacka“ i
6. Informacija o realizaciji inicijativa za podizanje spomenika od značaja za Grad Sarajevo

Član Kolegija Jasmin Skorupan je predložio da se za 14. sjednicu Gradskog vijeća pripremi Informacija o putovanjima gradskih vijećnika u periodu od 01.04.2021. do 28.02.2022. godine, što je Gradonačelnica prihvatila, te se očekuje da će i ova Informacija biti uvrštena u prijedlog dnevnog reda 14. sjednice Gradskog vijeća.

Ad 4)

Priprema za održavanje Svečane sjednice Gradskog vijeća Grada Sarajeva u povodu 6. aprila – Dana Grada Sarajeva

Jasmin Ademović, predsjedavajući Gradskog vijeća je informisao članove Kolegija Gradskog vijeća da je održavanje Svečane sjednice planirano 6. aprila u večernjim satima u Vijećnici. Predložio je da se Svečana sjednica održi u 19.00 sati.

Upoznao je članove Kolegija o nekim detaljima koji se odnose na održavanje Svečane sjednice, i to:

- Svečana sjednica će biti planirana u skladu sa epidemiološkim mjerama, koje budu na snazi.
- Pored „Šestoaprilske nagrade Grada Sarajeva“, na sjednici će biti uručeno najmanje šest priznanja i nagrada.
- U slučaju da Grad Sarajevo ne bude u mogućnosti pozvati potreban broj zvanica, svakako će bit obezbjeđen direktan prijenos putem TV SA.
- Predsjedavajući Gradskog vijeća će protokolarno otvoriti svečanu sjednicu.
- Gradonačelnica će pripremiti prigodan govor.
- Potrebno je usaglasiti se kojim dobitnicima će Gradonačelnica, a kojim Predsjedavajući Gradskog vijeća uručiti nagrade.
- Plakete, povelje, svečane diplome i druge prigodne darove dobitnicima, priprema Gradonačelnica.
- Za pripremu sjednice su zaduženi Stručna službe za poslove Gradskog vijeća i druge službe, koje rade zajedničke poslove.

U raspravi koja je uslijedila učestvovao je **član Kolegija Vedad Deljković**.

Benjamina Karić, gradonačelnica Grada Sarajeva je predložila da na Svečanoj sjednici dodjeli priznanje „Zahvalnica Grada Sarajeva“ Turskoj agenciji za koordinaciju i saradnju – TIKA, a cijeneći angažman koji je u svom dosadašnjem radu i djelovanju na području Bosne i Hercegovine dala ova Agencija. Članovi Kolegija su prihvatili prijedlog Gradonačelnice.

Benjamina Karić, gradonačelnica Grada Sarajeva je upoznala članove Kolegija i o ostalim dobitnicima priznanja „Zahvalnica Grada Sarajeva“, te istakla da je Odlukom o priznanjima i nagradi Grada Sarajeva propisano da se u jednoj kalendarskoj godini može dodijeliti najviše pet priznanja „Zahvalnica Grada Sarajeva“.

Također je pozvala članove Kolegija i gradske vijećnike da dostave, ukoliko imaju, ideje i prijedloge za Svečanu sjednicu.

Član Kolegija Bajro Biber je predložio da se Odluka o priznanjima i nagradi Grada Sarajeva izmijeni na način da se broj priznanja „Zahvalnica Grada Sarajeva“, koje se mogu dodijeliti u jednoj kalendarskoj godini, ne ograničava.

Mirjana Đanović Stanić, rukovodilac Stručne službe za poslove Gradskog vijeća je upoznala Kolegij Gradskog vijeća da je Odbor za dodjelu „Šestoaprilske nagrade Grada Sarajeva“ u 2022. godini predložio da se Mladenu Jeličiću Troki dodjeli priznanje „Zahvalnica Grada Sarajeva“.

Članovi Kolegija su se saglasili da Gradonačelnica za 14. sjednicu Gradskog vijeća pripremi Prijedlog Odluke o izmjeni Odluke o priznanjima i nagradi Grada Sarajeva, kojom se neće ograničiti broj priznanja „Zahvalnica Grada Sarajeva“ koja se mogu dodijeliti u jednoj kalendarskoj godini.

Jasmin Ademović, predsjedavajući Gradskog vijeća je konstatovao da je Kolegij Gradskog vijeća utvrdio da će se Svečana sjednica u povodu 6. aprila - Dana Grada Sarajeva održati **u srijedu 6. aprila u Vijećnici sa početkom u 19.00 sati**, te da se Kolegij Gradskog vijeća informisao o početku priprema za održavanje Svečane sjednice.

Ad 5)

Tekuća pitanja

Član Kolegija Adi Škaljić je predložio, a članovi Kolegija Gradskog vijeća prihvatili prijedlog da Grad Sarajevo, na početku 13. i 14. sjednice Gradskog vijeća minutom šutnje oda počast civilnim žrtvama rata u Ukrajini.

Benamina Karić, gradonačelnica Grada Sarajeva je predložila, a članovi Kolegija Gradskog vijeća prihvatili prijedlog da se napravi viber grupa u kojoj će biti funkcioneri Grada Sarajeva, predsjedavajući klubova gradskih vijećnika i sekretar Gradskog vijeća, u cilju slanja poziva, obavijesti i drugih aktivnosti u kojima učestvuju funkcioneri Grada Sarajeva i gradski vijećnici.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.10 sati.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.